

Sier Alvise Caravelo qu. sier Domenego, dopio, ducati 200 e il don	375.379
Sier Antonio Donado qu. sier Bartolo, qu. sier Antonio el cavalier, ducati 200 e il don	366.373
Sier Andrea Boldù, fo castelan ad Axo- la, qu. sier Hironimo, ducati 150 e il don	319.429
Sier Marco di Prioli, fo Camerlengo a Vizenza, qu. sier Marin, ducati 200 e il don	336.408
Sier Bartolo Venier di sier Lunardo, ducati 150 e il don.	319.415
Sier Julio Donado, fo a la Taola de l'im- prestedo, di sier Tomà, ducati 100 donadi.	393.348
† Sier Zorzi Guoro, fo a la Zeeha di l'oro, di sier Hironimo, ducati 150 e il don	497.257
Sier Hironimo Sanudo di sier Antonio, ducati 200 e il don.	341.402

681 Fo stridato far, el primo Gran Consejo, Podestà et capitano a Ruigo, Provedador e conte a Liesna, et un Provedador di comun.

Da poi Consejo, la Signoria andò in camera da basso a aldir le letere.

Di campo, dil provedador Griti, di 12, hore 4, da Villafranca. Come ozi erano stafi in consulto con il signor di Lutrech zerca alozar le zente, e scrive colloqui fati, et volse il nostro Governador parlasse, qual tolse rispetto a esser prima con lui Provedador. Poi solecitò dito Lutrech, esso Provedador dicesse qualcosa; qual disse non era tempo de far alcuna conclusion di questa materia, se prima non se intendi quello farano le zente è in Verona, e governarse come farano loro e quando comenzerà el tempo di le sei settimane, perchè levandosi, saria dargli tempo a fortificar la terra e metter vituarie dentro, e poi far quello vorano. Pertanto non è da levarsi per niun muodo. Et Lutrech disse le zente non pol star cussi, *unde* monsignor di Scut so fradelo con colora comenzò a dir le zente d' arme non pol più durar in questo alozamento, e bisogna continuar a farli le spexe, se se vol restino. E il Provedador disse di questo era impossibile, perchè brexani è consumpti; e con questo se partite. Scrive, brexani oramai non pono più farli le spexe, *solum* di fen e paia, e non pono con effeto durar. Si trova in grandissimo fastidio. *Item*, è venuti li capitani

francesi tutti da Lutrech, a dirli non pono più star, et voleno danari, e sopra questi danari scrive *longe*. *Item*, manda letere di Franza ed Ingaltera. E come monsignor illustrissimo li ha dito aspeta di hora in hora l' homo di l' Archiducha, qual dia venir a far la consignation di Verona, sichè bisogna proveder 178* di danari; et zonto esso Provedador a caxa, li vene li thesorieri francesi a domandarli danari per li lanzinech. Scrive ha auto li ducati 3000 da Milan per la letera di cambio di domino Alvixe Pixani procurator *dal Banco*, ma se li mandi li altri. *Item*, li do quadri per Lutrech per altra soa richiesti.

Di Franza, di l'orator nostro, date in Ambosa, a dì 5. Come ozi andò a corte e parlò prima a monsignor il Gran maistro, qual li disse esser zonti al Re li capitoli di sguizari sizilati, in li qual el Christianissimo re chiama per confederati la Signoria nostra, e sguizari li hannò aceptati molto aliaramente. *Item*, è letere di monsignor di Orval di Bruxelles: avisa dil suo zonzer li, et stato col cancelier e primi dil Consejo, e formati li capitoli; el di seguente la Catholica Maestà li doveva sigilar *pro ut jacet*. Le qual letere erano di Poi esso Gran maistro laudò la Signoria non esser restà per quelli do lochi de far lo apontamento con l'Imperador, perchè poi col tempo si conzerà tutto, dicendo el tempo aduce molte cose. Poi disse al Christianissimo re bisognava per tutto quello mese 13 volle 100 milia scudi, che è scudi un milion e trecento milia, sì per dar a sguizari, a l'Imperador e pagar le so' zente e altro. E stando su questi rasonamenti, soprasonse il Re, qual li disse in consonantia tutte le nove, perchè mostrò non averle intese, nè dava retta ad altri de la Corte se non quanto li diceva Soa Maestà. Poi el Re li disse el tutto passerà ben, et che l'atendesse a far bona ciera. Poi l'orator parlò al magnifico Rubertet thesorier, qual *etiam* li disse di capitoli di sguizari zonti, e la Signoria è nominata e si aspeta zonzino quelli de l'Imperador. *Item*, scrive lo agente dil duca di Geler ha fato intender al Re, come el Cardenal era zonto a di primo in Olanda e veniva in Fiandra, et che l'avea mandà 200 homeni d'arme de esso duca a li passi, per veder di prenderlo. *Item*, manda letere d' Ingaltera.

De Ingaltera, di sier Sebastian Zustignan 179 el cavalier orator nostro, date a Londra a dì 18. Come a di 15 scrisse, e manda le replicate. Poi à inteso, oltra li exerciti terrestri ordenati dar in aiuto de questo Re per passar in la Franza, *etiam* è stà capitola habbi 60 nave, capitano de le qual